

陽山縣志

CHINESE-JAPANESE COLLECTION
HARVARD COLLEGE LIBRARY
FROM HARVARD-YENCHING INSTITUTE
SEP 15 1933

T 3205/1222.83



本冊缺頁、裝訂問題系原書原貌

重修碭山縣志序

郡邑之有志所以俟輶軒之采擇供史館之取裁者也故其名雖限于方域而實則達于

哈佛大學漢和
圖書館珍藏印

朝廷苟或撫拾未當源流未晰其不貽譏于大雅者鮮矣綜直省而計各有成書以備掌故而世之稱許者獨以崔後渠之彰德府志康對山之武功縣志爲盡善則是草創于一邦而傳聞于四境要當爲有目者所共識也碭爲漢高發跡之地界梁宋之間漢時經學實萃于此宜乎記載之詳此中自

有文獻而何以舊志三修猶令人有遺憾也耶璦
不敏承乏茲土簿書之暇偶一展卷歎紕繆之實
繁恨闡揚之未盡盱衡上下每思釐定而損益之
益志之分類雖多而舉其綱領祇以數大端爲最
要姑以舊志論如考沿革則與正史相乖明疆域
則與輿圖無準星野未原乎古祥異僅始于晉戶
口忘登夫載籍典禮不著于膠庠選舉濫及吏員
人物謬存帝系書祠廟則歲月無稽彙藝文則後
先倒置本漢人而錯列五代非土著而竟紀功勳

聖漏支離未易枚舉而魯魚亥豕猶其小焉者也
我

國家幅員萬里統志之修編行直省上之職方氏考
屢矣璦恭逢

聖世分符古邑雖才愧三長而心期一得乃與邑之紳
士踵舊增新更爲部署字櫛而句栝之以爲異日
採取之選雖不敢媲美崔康而斟酌無遺或亦可
備一邑之藏弄也已

乾隆三十二年歲次丁亥仲冬中浣穀旦知碭山縣

事武緣劉王璵謹序

陽山縣志舊序

明王廷卿 邑令

粵自書契興而國史有作其來舊矣先秦列國皆有史官掌記時事外史職之有表有圖有傳有書間或不同要之足以稽吏治察民俗俯仰今古周覽方輿備國史之採錄爲用一也庚午冬予蒞官茲上見其庶事草畧輒欲興廢補敝振起式微而邑乘漫無可考所存者郡志附錄之一二耳緬維隆慶紀元詔修嘉靖實錄予時筮仕吳庠繆膺蘓松常鎮四郡採纂之任矧今聖天子

臨御復修隆慶實錄顧茲邑乘厥惟攸司而尚可以緩
圖之哉乃者祇奉大中丞王公聘延文儒相與肆考古
今墳典暨博圖經傳記暨諸故老見聞問附已意黽勉
從事而義類凡例實憲副馮公爲之指授者也哀旣成
書郡刺史劉公則又助以罰鍰俾梓行之予惟後之視
今猶今之視昔使秦漢以來數千年之缺典踰三時而
告成於是邑不無小補第萬卷非鄴侯秘書非世南窺
豹之誚固所不辭若自今以往人物之益盛宦蹟之益
彰與夫戶口之日增風俗之日厚爲政君子相繼而增
入焉則一方之勝因文以傳謂有賴矣是爲序隆慶壬
申孟秋旣望

明 李嘉言 邑人

隆慶庚午冬十二月龍峯王公以荆南鄉進士令吾碭
謂予曰志史也古者國必有史碭無志是無史也無史
則一方之文獻罔有攸徵豈非缺典歟緣初政案牘旁
午姑未暇及越明年政息人和百廢俱舉遂具其事請
于諸當道咸曰可公乃授簡於予俾之採摭予惟碭於
古爲豫州之域自秦罷侯置郡而碭始名自漢高隱於

芒碭以開王業而邑之名益著要亦中原名區英雄豪傑所自出之地奚獨以文獻缺焉無乃兵火於五代淪喪於金元而然耶夫前既無聞後將焉述乃取一統志通志綱目諸書逐一繙閱仍參之徐志重加考訂然後撫拾數事萃爲一編大抵春秋以前遐哉邈矣靡有所稽秦漢而下掛一漏萬然亦未得其詳乃若天文地理之麗上麗下雖其本體如是不曰中和之當致乎人事人物藝文之類雖皆與時高下不曰變易以從道乎故曰志者言乎心之所之匪徒以文爲記而已也君子誠

知此義達而見之於行則正大光明之功業樹焉窮而筆之於書則是非得失之鑿戒存焉志豈細務云乎昔孔子作春秋曰其文則史他日又曰吾志在春秋是知凡今郡邑有志蓋亦取法春秋之遺意也視爲細務而忽焉可乎哉用是銓次旣成錄以上公公閱之大加筆削更定過半授之梓人復命予序之末簡噫斯志也以吾碭數百年之缺典而一旦刊爲成書可徵可信以傳不朽公之志行矣其嘉惠後學垂鑑來牧有功於斯邑豈淺鮮哉願予山林棄材叨竊餘光子陽之誚吾固知

其不能免也夫隆慶壬申孟秋既望

明練國事
沛邑令

邑無志非古也志何倣乎以取傳真如丞相何之收圖籍知戶口耳且以寓春秋之義也若張大其詞以山川人物爭勝而風化關頭泯滅無聞勸誡之謂何王政何取焉矚之有志所從來矣自黃河奔決一時城郭蕩爲黍離而圖書湮漫盡飽蛇龍亦文獻之一厄也當事者豈不動色於無徵而作楚稅桑倦焉未遑此段公案姑從謙讓耳及陳君下車拮据五載肉起色飛而後問棗

梨爲邑乘計噫何其禮樂之明備乎余幸與陳君共事一方知君最深曾兩入花郊而蒲之三善矚實過之今志成而問序於予予嚮觀陳君之實政早已知此志之爲信史也夫陵谷滄桑轉盼易位富貴功名終歸塵土山川人物者志之槩而非其興衰理亂之源也若按圖而繪直可問諸丹青循事而書一僮父能言之耳何必出自大儒之手也而况黑白顛倒失春秋之義古有以蜀之十萬緡不能博一姓字者彼何人哉則與其濫等無寧闕文陳君所爲遲遲而後志也蓋有公案於境上

有信史於胸中而後有此剗剔之梨棗也他不具論如
碭受河之後以一二頑民偶激甘心長吏遂闔邑抱不
醇之寃謂習俗實然豈其然乎陳君德化疾於風雨聞
公役皆子來而禦寇多出死力者此足白前事矣陳君
以此點竄志中碭之人不啻重觀天日袞鉞高懸風化
一新志若此文獻何患其無徵哉予固因陳君之志而
敢以維持風化並告之守志者則碭之山川人物當永
與日月爭光可也此陳君之意也萬歷戊午孟冬

明 陳秉良 邑令

邑有志猶國有史也上下古今何國蔑有昔諸葛武侯
治碭志圖興復軍務旁午忘設史官後徒掇拾於陳壽
之筆而事多缺畧論者惜之碭故有志不知廢自何時
隆慶壬申前知縣龍峯王先生慨然修舉苦無可考惟
採郡志綱鑑通紀諸書而纂集之噫亦畧矣庚子之歲
火延縣治志籍復煨幾二十年所矣予下車四顧城市
蕭條蓬戶土室風沙草木愴然於懷然歷問往事已如
夢語及今弗輯後雖有作者而欲求斷簡殘篇於故老
也得乎哉乃謀諸學博士劉君曰邑有博士見龍王君

者博雅君子也輯縣志無逾斯予造廬而請王君逡巡若無當久之黽勉以從甫二旬而書成予閱之邑里如故也界域如故也黃河之環遶如故也賦役之昔繁而今減也戶口之昔散而今聚也人物之昔載而今有增加也他如建置沿革必考其故流風遺址必溯其原尤於忠孝節義必要其據匪是寧闕不濫寧任怨不任德故其文雅其事核津津乎成一家之言也微王君力弗及此抑予猶有說焉地因人重人以志傳誌言士心也邇來江北人文日盛在在科第起家而礪士不登天府

幾至百年書成覺闇而無色此豈風會之流歟司教之缺歟抑士心之未純歟予歷官茲土無能振拔徒愧也已倘諸士聞予言勃然奮毅然任他日文章事業繼魏倪李諸君而後照耀又冊大爲芒碭生色予於此有厚望焉時共事則學博士劉君楷歲貢兄弟陳君履端真詮邑庠生胡應會劉一龍全時任汪用霖汪知新曹應第劉景星成雲鵬併書是爲序皆萬歷戊午孟冬

明
王文煥 邑人

夫志權輿於禹貢及周禮之職方雖僻壤遐陬亦自有

紀蓋用載往事以信將來碣如自嬴秦爲漢龍潛由來
遠矣而英賢輩出於其間豈無握管成一家言者謂碣
無誌可乎或者頻河多沮洳聯徐嘗用武非淪於泥沙
則殘於兵火僅存什一於千百耳先是隆慶壬申邑侯
荆楚王公雅尚墳典旁搜博採撫拾緒餘勒成一編將
謂有其舉之莫或廢也當萬歷庚子歲幾四十年熒惑
煽烈版籍灰燼又爲碣一缺典矣豈將有待而然耶及
邑侯未如陳公以東粵俊才蒞宰茲土甫下車問風觀
俗深慨其文獻無徵適饑祲賦繁民不堪命所急在拊

循煦噢與以休息卽哺餒櫛沐不暇而暇此乎三載來
政清刑簡時和年豐呻吟者而絃歌矣蹙額者而喜色
矣於是士民咸念我公稽古初心僉謂碣終可無志乎
因咸以重修請始猶謙讓未遑弗諾也旣而懇請者再
三乃進余諸生而叮之曰有縣必有志誠不可以湮沒
爲第志實錄也工藻飾者泛志史法也過溢美者謏志
又公典也涉曲徇者私此皆志之癖也祛此三癖竊彷彿
春秋之遺意可耳諸生聞命唯唯退搜尋舊編重加考
證復叅以衆耳目之聞見秦漢前無考不敢臆說附於

外嗣是亦無敢掛漏於其中列爲二卷屬以篇目山川形勝因乎地風俗水土宜乎民人文宣朗在於興賢育才不曰學校之當設乎事業炳彪見於文治武畧不曰官守之無曠乎城池創而新再見經始之勞賦役煩而簡無復額外之徵稽孝義則事君事親若分之爲兩表貞烈孰難孰易總合之爲一至於序記碑銘必其事有關涉入之否則雖工弗錄而災祥亦備紀之以資警省取其大不遺其細仍乎舊聞引乎新刪煩就簡譬之鶴長鳧短各適於宜銓次成帙錄以上公公復繙閱詳加斤郢然後授之梓人復命余贅附于末簡余弗文曷能爲是役惟仰承德意矢心自盟所與諸生共者不以愛憎徇情不以毀譽失真不以謾言夸毗不以浮華炫奇而已乃藉以窺豹之見得與續貂之後抑厚愧矣

明劉芳邑令

夫志之爲書大矣哉前賢以邑志擬國史其言最確故杞宋無徵卒起夫子之歎董班繼筆至今歷代可稽史之有裨於國也如是而邑志可緩圖耶礪固古名區其中風物形勝諸盛蹟雖舊乘備繪其詳然祇紀戊午以

前云爾自後漫不可攷予每爲之太息因承乏方初不
遑申續幸觀察徐公志切採風檄下修舉於是揖諸學
博而以舊帙屬之旬日間具稿分條析類按款摹真彬
彬然快人心目頓令二十餘年之缺典悉見乎今日予
甚喜而躬覩其全也余叨牧茲土凡於民稱便者務必
竭蹶從事庶幾可藉手以謝瘼曠顧負乘駑駘不逮之
匡良於諸學博有厚望焉是役也總裁則學博陳君子
朝陸君養正編輯則鄉紳汪用霖等考實則廩貢徐騰
芳等較正則生員闕應臣等例得併書以付剞劂氏用

昭共事云昔崇正己卯孟夏

國朝郭浩邑令

乾隆戊午之秋浩奉檄來錫晤老廉李君仙植于真州
孝廉蓋曾旅錫一載故訊其風土事宜因知邑志自前
明萬歷以來迄今未修文獻靡徵共相歎爲墜典卽擬
偕孝廉泊其弟徵君仙榜錢塘陳徵君撰共續成之迨
至彭城謁郡憲石公正擬修輯郡志而邑志尤不可後
矣適徐郡博田君力請任其事未幾星馳至邑是時值
予以災賑河務晝夜紛紜凡其纂輯不暇詳覈解組而

後念此事不可中輟爰取成書再三披閱重加刪訂寧
嚴毋寬寧隘毋濫其增減去留且與新宰鄔君學博謝
君曹君及邑紳士共定之不敢卽謂研練之勤綜攬之
備足比惇史然是非無私抑亦可以自矢矣至毛城鋪
之役迺河憲高公爲宣洩淤漲總滙於洪澤不惟有裨
河工實則保護諸路無限民田爲百世永利所發諸章
奏條議並應詳載以示來茲而河憲至碭相度時曾屬
浩於大河之南北勸諭諸紳士各輸已力開濬引河四
道幸皆踴躍樂從至前秋七月洪水西來汎濫鄰境而

碭邑受災較輕者要皆出自引河預濬之力也故並及
之若夫按星野則慮玉衡七星之墟或人事之未克盡
考疆里則慮蕭虞歸永之吟或先事之未及周釐賦役
則念良法美意之或淺失其初稽吏治則思循良慈惠
之或不克逮至於孝弟科名文章學校其所以耀貞
珉垂簡策者鼓舞而振興之是又在後來蒞政之大賢
君子矣浩雖遠去其何能無厚望哉昔乾隆壬戌夏月

國朝
鄔承顯 邑令

志
今皆有論者獨推康對山武功志爲善本蓋以

其博雅詳恆有古史之遺意也然史以明信志亦如之
苟閱百年而文獻無徵則歲序之遞嬗風會之遷流其
中興替不一因革異宜覘治化者忘所自察風土者湮
其由不幾同夏五薛鼓之無據乎則志之當修而修之
不宜緩也明甚第邑長爲民社寄簿書錢穀庶務倥傯
日不暇給雖復欲究心掌故而勢有所不能矧志自明
季纂修以來歷一百餘年未之舉行舊簡旣缺新跡將
湮福唐郭公蒞任毅然任爲己責謂是風化所係而分
所當爲博採舊聞廣諮衆論補其闕正其訛酌其可不

銖稱而寸度之裒益其多寡次第以釐定之旣成授之
梓人將欲刊布乃以予承乏是邦繼公之休與有責焉
問序於予予惟公之德澤厚矣教之入人深矣三年遺
愛不獨甘棠是役也以百年創見之事告成於一旦則
士誦新書民歌舊德公之名當與是志並垂不朽矣是
爲序

重修礪山縣志姓氏

纂修

知

礪

山

縣

事劉王瓊

叅訂

太

平

府

當

塗

縣

舉人胡

瑛

採訪

歲

貢

生楊如桂

庚

午

科

舉

人

國

子

監

典

簿

蔣為

候

選

州

同張士斌

姓名

候

選

州

同朱依仁

監

生戚道均

監

生朱方藹

監

生子世俊

廩

生李培

廩

生李之標

校對

廩

生萬維誠

廩

生戚玉戚

增

生汪元琛

生

員席奕榮

董事

原任淮安府儒學訓導汪枝芳

貢

生陳福承

陽山縣志凡例

一陽志創于明隆慶六年前令王廷卿再修于萬歷四十六年前令陳公秉良三修于崇正十二年前令劉芳四修于

國朝乾隆七年前令郭公浩雖四經纂輯而綱目未分事文簡錯閱者不無遺憾茲特詳加考訂分綱列目以求至是

一志立門類比事分屬閱者方可依類相求前志混而未分終覺未愜今倣後漢書定爲十志取其義

相附麗者別爲小類屬之卷釐一十有四爲綱者
十爲目者七十有七綱以挈目目以隸綱各歸部
署不相芻亂

一今志與舊志不同如舊無而今有者爲輿地志中
之物產河渠志中之河溝建置志中之兵衛學校
志中之褒崇位次儀節祭品樂章舞譜樂器考舞
器考書籍書院賦役志中之戶口起運雜稅蠲賑
人物志中之忠節儒林文苑藝術藝文志中之揭
之賦皆係新補有舊同而今異者爲沿革爲星野

爲列傳皆係剏構有舊畧而今詳者爲疆域爲形
勝爲山川爲古蹟爲黃河爲隄防爲坊表爲學宮
爲職官爲選舉爲祠祀爲人物爲藝文皆係增訂
有舊有而今刪去者爲舊勲爲帝系爲篤行蓋舊
勲併之列傳而帝系不特與志例不符且漢高係
豐沛人與碭無關至篤行則分載之忠孝廉節中
可矣歷覽史書無此名目也

一志首輿地次河渠河渠亦輿地也以其事繁而關
係甚鉅故另爲一志分郡縣卽有建置建置定而

後有學校有賦役學校先賦役者民無信不立也
然必設有司以主宰之故次職官職官有賢否故
次名宦由是而尊賢使能則有選舉崇德報功則
有祠祀而人物生矣藝文者記古今考疆域以備
志之全局者也故以此終之
一志自陳公修輯後相隔四十七年而有劉公然劉
公輯而未刻遺書已亡又隔一百一十五年而有
郭公其間紀載缺如及開館後力為蒐羅幾有無
徵之嘆久之得陽山實錄抄白一本乃順治四年

前令趙公啟建纂輯以應史館之採中得忠臣孝
子烈婦名宦以及田賦戶口祥異皆前志所未及
載者鬼神呵護應時而見亟分類纂入以成完書
一學校為興賢育才之地諸生習禮氓庶觀型一切
名物器數勿可畧也用是細加考訂較他志為獨
詳

選舉志為薦辟為進士為舉人為貢生為應例為
武科為武功而附以封蔭皆得書名舊志載候選
典吏諸員幾成戶口冊籍矣悉削之

一 人物志最關激勸舊志寥寥數語未免簡畧今各據史書有傳者悉採原文補入如正史未見亦必詳參各書及家乘以備一方人物至從漢高起兵于碭如灌嬰陳濞十餘人既非桑梓又非流寓舊志列之人物濫也今悉削而不書

一 人物必須蓋棺論定方爲立傳其現存者雖品行學問德業文章彪炳赫附錄而末以俟將來

一 孝友節烈必已經請旌方爲登載然孝弟百行之原夫婦人倫之始事屬庸德操行實難故不拘

成例破格書之亦維持風化之意云

一 史兼褒貶故美惡同載志則義取勸勉體制各別今纂修邑乘期于傳信必確有實據方爲立傳非是寧嚴勿濫若前志已經載入則稍加刪潤以存其舊不敢妄爲去取也

一 郭志列女一類多削去節孝事實僅書姓氏未免有乖闡幽之意今據江南通志州志府志明邑志補入矣間有子孫呈請及採訪聞見真實者亦錄焉其無從考核悉仍其舊附刻之

一詩文與地相發明及有掌故可稽考者始錄外此
則忠孝節義可以扶持名教者載之若郭志所編
歌功頌德之章統屬繁文槩從刪汰
一茲編與前志不同舊存者十之四新增者十之六
非敢自炫博雅妄希作者蓋志為傳信之書考訂
詳明庶可備一邑典故然地當僻壤載籍鮮徵寡
陋之譏亦所不免惟識者是正之

碭山縣志目錄

輿地志 卷之一

沿革

星野 附祥異

疆域

形勢

學山川

古蹟

風俗

物產

河渠志 卷之二

黃河 附堤閘

河溝

建置志 卷之三

公署

附倉廩

城池

堤坊

里社

市集

坊表

兵衛

橋梁

學校志

卷之四

學宮

褒崇

位次

儀節

祭品

樂章

舞譜

樂器考

舞器考

書籍

書院

附社學
學田

賦役志

卷之五

戶口

田賦

起運

存留

雜稅

蠲賑

職官志

卷之六

縣令

縣丞

主簿

典史

教諭

訓導

武職

職官志下

卷之七

名宦

選舉志

卷之八

薦辟

進士

舉人

貢生

應例

武科

武功

封蔭附

祠祀志

卷之九

壇壝

祠廟

寺觀

陵墓

人物志上

卷之十

列傳

人物志中

卷之十一

孝友

附義行

忠烈

儒林

文苑

藝術

流寓

仙釋

人物志下 卷之十二

義烈

完節

人貞孝

藝文志上 卷之十三

人制誥

記

序

傳

揭

書

贊

頌

祝文



藝文志下 卷之十四


詩

賦



陽山縣河溝全圖










石山縣城圖






石山縣輿圖








縣治圖






文廟圖






河道全圖




減水河圖



南



減水河即老黃河自縣
 西北接豫省虞城界起
 南山楊家集經礪境歸
 虞城境復從豫省夏邑
 縣之涌子河入礪境周
 家莊山范家集張家屯
 至龍回龍集入永城界歸
 蕭境自周家莊起至回
 龍集止工長二千八百
 九十五丈乾隆二十三
 年知縣金滿領帑挑濬




北


減

圖


淇溝河圖




洪溝河坐落縣之東南自
 毛城舖石堤起入蕭縣境
 歸灘河達洪澤湖如遇黃
 水異漲依徐城水誌開放
 唐家堤由倒勾河以達洪
 溝河減洩黃水乾隆三年
 挑浚丈尺入黃河志



南






利
民
河
圖

礪山縣志
 利民河在縣西北自虞城
 界汪家窪起至減水河涯
 口止長二萬二千五百十
 六丈零由減水河歸灘河
 達洪澤湖乾隆二十三年
 領帑知縣金潢挑濬




南



易山縣志


圖

東




永定河圖

永定河在縣南自本境徐家橋起由陳家樓小神湖至減水河匯口止長二千六百八十九丈零水歸灘河達洪澤湖乾隆二十二年領帑知縣金潢挑濬



南

北



文家河在縣東自馬家庄
 前坑塘起沿堤入蕭境孟
 家河止長四千五百二十
 丈零水歸蕭境歐邵河達
 濰河歸洪澤湖乾隆二十
 三年領帑知縣金潢挑濬

文家河圖

南

北

毛城舖東子埵

馬家集

文家河

胡家莊

馬家庄
坑塘工頭

宋家閣



文家庄

大堤


定園寺

蕭水入境


張家樓





順堤河圖




順堤河在縣東自別家庄
 起至蕭境黃家渠止長三
 十九百三十三丈零水歸
 蕭境歐邵河由濰河歸洪
 澤湖
 乾隆二十三年領
 知縣金潢挑濬



華家坡河在黃河北太行
 堤南自本境華家坡起至
 豐縣清水河止長五千四
 百二十七丈零水歸銅沛
 達微山湖乾隆二十三年
 領帑知縣金潢挑濬





石渠縣志卷之一

輿地志

沿革
山川
物產

疆域
古蹟

形勢
風俗

星野
附祥異
水土

志必昉乎輿地者何志為地設也何志乎地明疆域也疆域明而地知所守矣然疆域無改易而建置有沿革數千年或合或并具載史冊此明封域者所宜亟攷焉迺若仰觀星野以測天俯察形勢以設險山川古蹟風俗因乎地者也物產產乎地者也故次第及之志輿地

沿革 附封建

碭自秦置郡縣分屬不一為碭郡為碭縣為梁國為梁郡為輝州沿革多以代異而封域亦盡變矣今之碭彈丸耳非昔之所為郡為國為州為縣也然而仍其名不得廢其實謹按史冊所載摶拾書之庶考古者可指掌數也至封域之廣袤以今核古豈可以沿革定之哉

唐虞夏禹貢豫州之域 按文獻通考秦碭郡古豫州地

因夏制

周職方兗州之域屬宋

春秋屬宋

戰國屬楚 周赧王二十九年齊與魏楚滅宋三分其地遂屬楚

秦史記始皇二十六年置碭郡及碭縣

漢書志秦碭郡高帝五年建梁國革碭郡封彭越

為梁王碭縣屬焉越誅以梁封子恢後呂后奪封

呂產

文帝二年以封子揖十二年薨徙淮陽王繼之移

都睢陽初梁國統縣八曰碭曰留曰抒秋曰蒙曰

已氏曰虞曰下邑曰睢陽高帝十一年增統縣十一
一文帝十二年增統縣四十餘

景帝六年以子買為梁王統縣十三碭沿建元五
年梁削縣五碭仍沿

武帝元封六年置豫州郡統郡國六梁國碭縣隸
新莽時改梁國曰陳定碭曰節碭

東漢

光武初起兵時劉永據其地稱梁王數年而滅
章帝建初四年遷梁國於夏邑徙汝南王暢為梁
王統縣九曰碭曰夏邑曰睢陽曰虞曰蒙曰穀熟

曰鄆曰寧陵曰陳留改碭縣為碭山縣

按後漢郡國志碭下

註云山出文石與前漢志同乃司馬彪本註也後人誤以山字連上碭字讀遂謂後漢改為碭山縣自明一統志始元和志

三國魏

革梁國以碭山縣隸徐州

晉武帝太始元年復梁國封開平子彤為梁王統縣

十二以碭山縣省入夏邑

太康元年置豫州郡統郡國十梁國隸碭仍省入

夏邑按晉書志無碭山縣南畿志云晉省入下邑

考晉志下邑縣註云有碭山時碭山屬下邑也又

按魏書志碭山註二漢屬沛國晉罷後復是晉省而復置仍改碭山曰碭耳

南北朝宋書志梁郡太守碭令漢舊縣按南齊志無

碭縣魏書志碭郡碭縣註碭郡孝昌二年置治下

邑城領安陽縣註治麻城碭縣註治魯城按魏志

下邑縣時蓋省入碭郡南畿志碭山有麻城又魏

志魯郡有碭縣註蕭衍置魏因之此係僑縣又寰

宇記北齊廢碭郡及碭縣以安陽縣屬彭城郡

隋隋書志梁郡碭山縣後魏置曰安陽開皇十八年

改名焉括地志碭山縣本漢碭縣在宋州東一百

五十里按魏以碭縣置碭郡並析置安陽縣隋改

安陽為碭山而無碭縣當仍合兩縣為一縣也

唐唐書志睢陽郡碭山縣境光化二年朱全忠以碭

山單父虞城曹州之城武表置輝州二年置崇德

軍

五代梁屬輝州後唐屬單州

宋宋史志單州碭山縣望按太祖建隆元年單州統

縣四碭山縣隸

金 金史志單州碭山縣興定元年以限河不便改隸歸德府註有芒碭山古卞渠按萬歷年志縣屬歸德府後尋沉於水遷治虞山保安鎮尋廢保安鎮今在永城縣境

元 元史志濟寧路碭山縣金為水蕩沒元憲宗七年始復置縣還舊地隸東平路至元二年并入單父縣三年復置屬濟州八年屬濟寧路

明 太祖洪武八年南直隸統徐州屬縣四碭山隸萬歷六年稍移而西即今治

國朝 因之雍正八年陞徐州為徐州府統州縣八碭山仍隸焉

附釋邑名考

史記註徐廣曰碭縣在梁蕪林曰碭音唐又音宕應劭曰碭山在東師古曰碭文石也其山出焉故以名縣又南北朝魏書孝昌二年置安陽縣蓋舊邑治在保安山之陽故云

疆域

東四至八到疆域之定準也不可以不書

縣在府城西少北東西廣八十里南北袤五十里

東一百七十里至府

東南八百里至省城江寧府

東南一千一百六十里至蘓州府

北一千五百里至

京都

東五十里為侯家口接蕭縣界

西三十里為謝家集又五里接河南虞城縣界又
西稍北五十五里至虞城縣治

南十八里為南鎮集接河南夏邑永城二縣界又
南稍東七十里至永城縣治

北四十里為市力寨接豐縣界

東南五十五里為李佐君家集接蕭縣界

西南四十里為鼎新楊家集接河南夏邑縣界

東北四十五里為順應集接豐縣界

西北四十里為北鎮集接山東單縣界

形勢

非高山大川無以表形勢而礪平衍也然大河

襟帶沃野碁布夫孰非一方雄勝哉

東近齊魯北聯趙魏南達江淮西通梁楚

宋陳師道學記

境內無山南北阻河原隰膺膺可用耕桑

嘉靖年州志

郊坰曠衍四望瀰瀰芒碭雄峙於前黃河襟帶於後

萬歷年州志

嬴氏裂天下為三十六郡而碭居其一兩漢大封懿

親而梁為之首李唐則名藩之邑趙宋則股肱之

郡舊邑
志序

南望芒碭而駭矚以盱北倚大河而溝塹以迥天朝

周畫險設重城萬歷年陳志

碭彈九邑江淮控其左梁魏聯其右齊魯接其後面

山濱河古今一要害區址也崇正年劉志

星野附祥異

周禮九州皆有分星以觀祆祥故使星躔而益州
先見熒惑現而齊景知懼况九州中星分躔次
各異其度數難以臆言也姑撫其著說以俟夫
精象緯者定焉

自氏五度至尾九度曰大火之次於辰在卯斗建在
戌今宋分野帝王世紀

宋鄭之疆候在歲星史記天官書

宋地房心之分野也今之沛梁楚皆宋分也漢書地理志

房星宋豫州楚國入房四度梁國入房五度晉書天文志

玉衡第七星主豫州五郡常以五午候之壬午為梁

國唐書天文志

氏房心在卯自氏二度至尾二度屬宋分為碭及徐

郡豐沛明清類天文分野書

鈞鈴星在秦為碭泗等七郡春秋元命苞

氏四星距西南星去極一百四度半於辰為卯於分

為宋於野為豫州經星

房四星距南第二星去極一百一十四度半於辰為

卯下同氏經星

心三星一名大火距西前星去極一百十四度半於

辰為卯下同氏經星

附祥異

春秋書異不書祥志為實錄史體也故祥異並

書碭罹水患數矣舊志漫漶無可考從諸史徵

錄數條附星野後以明天人感召之機且使職

是土者知所修禳焉

漢

建初二年大旱詔勿收田租芻藁其見穀賑給貧民
中平五年水大出

魏

景初二年九月霖雨水出溺殺人漂失財物

晉

泰始四年九月大水

咸寧二年冬十一月白龍見

永平五年夏大水遣御史巡行賑貸 七年秋九月

復大水 永康元年秋七月大水

升平元年十一月壬午月掩歲星在房占曰人饑又

曰豫州有災

南北朝

承明元年四月大風雹

太和二年四月大霖雨 二十三年六月徐豫兖等

州大水

景明元年七月徐兖豫東豫等州郡大水平隰一丈

五尺民居全者十之四五

唐

大歷八年四月癸丑歲星掩房占曰將相憂宋分也
爲徐州地 九年九月甲子熒惑入氐宋分也徐
豫州地

元和元年七月掩心中星占曰其宿地凶心豫州
分今徐州地

宋

淳熙元年秋七月蝗

元

至元十四年六月雨水平地丈餘損稼
十七年水

大德二年水

至大元年七月濟寧路雨水平地丈餘

延祐元年三月濟寧路霜殺桑無蠶 六月大雨水

傷禾稼六月遣官閱視民乏食者賑之仍禁酒

至治三年五月霖雨害稼

泰定二年六月水 致和元年春三月河決

明

洪武三年獻瑞麥

永樂十三年饑進士梁洞賑恤

成化二十年饑

正德九年水

嘉靖二年旱疫 十二年蝗 二十六年秋七月大

水 四十二年饑 四十五年大雪傷禾

隆慶二年大水 四十年大水

萬歷元年大水 二年夏麥秀二三岐多至四五岐

秋復大水巡撫王宗沐請賑 三年大水 四年

地震 十六年春大饑斗粟三錢夏疫 二十二

年大饑給事楊東明請賑 二十三年饑 二十

七年大水

天啟二年地震 五年春旱

崇正四年夏秋淫雨 九月異鳥翔集自北來飛甚

疾千萬成羣雉首鳩身鴿羽鼠趾色元黃不能樹

棲聲極哀夜飛向民家舉火照之輒墮人謂之反

鳥 五年秋大水有蝗人饑 八年六七月有蝗

大雨是秋每日向夕西方殷紅如血 十一年蝗

饑 十二年夏秋蝗 八月李樹結瓜長二寸許

形如瓜色青折之中空無核邑謠樹結瓜民無家

庚辰辛巳果大饑疫民逃亡冬十二月桃李華

十三年二月黑風起自西北黑氣疑雲有聲漸近

日色全晦白晝如夜凡鎗刀之屬有火光約三四

刻北風息黃沙滿地厚寸許冬土寇羣起知縣江

泰安撫之十四年春夏大饑先食樹木皮及各

草子漸至食人初猶避忌後且公然不爲異甚有

父子兄弟夫妻相食者冬復大疫田野荒蕪撫院

史可法設法賑貸十五年四月天鼓鳴二十四

日巳時青天無雲有聲如雷約三四刻乃止二十

六日異火忽然而起近一晝夜城中房屋十燬八

九人畜多有焚死火復越城飛延門樓弔橋並堤

裏外民居多燼先是有雉入城家鷄一鼓即鳴讖

云主火果應八月黃河竭流賊決水南注失陷汴

梁河遂斷流十六年二月甲寅火夏庚寅復火

焚民居二三千間越五日城內西南大火焰延縣

治及城內外民舍並燬萬餘冬甲子南城外復火

穽息關廂盡燼凡四火也有赤鳥如燕雙飛烟焰

中所翔處磚瓦成灰



順治二年嘉禾不種自植遍四野皆青歲大稔 四
 年秋大雨水 五年七月地震秋豆大稔 六年
 九月地震 十一年雨雹傷麥 十四年秋豆大
 稔 十五年五月地震 十六年夏秋霖潦 十
 八年蝗災

康熙二年夏麥大稔 七年六月地震 十一年八
 月河決山西坡大水 十五年大水 十六年又
 大水 十七年春霜殺麥又大水自是連三歲殺

水皆蠲賑 十八年旱蝗蠲賑十月彗星見月餘
 沒 二十二年蠶傷麥 二十七年秋雨無禾
 二十九年三十年三十一年三十四年歲連稔
 四十年夏旱 四十四年三月大雪 四十五年
 夏秋霖潦 四十六年麥秀雙岐 四十七年大
 稔 四十八年霖潦甚久民饑賑 五十二年麥
 秀雙岐自是連歲皆稔

雍正三年旱 四年黃河清 八年大水 九年大
 稔 十三年蝗不為災

乾隆四年大雨水民饑 詔發粟賑恤 五年六年

七年秋水災 詔連賑 九年稔 十年十一年

十二年秋水災 詔連賑 十三年十四年十五

年稔 十六年秋水災 詔賑 十七年大稔

十八年秋水災 詔賑 十九年大稔 二十年

二十一年二十二年秋水災 詔連賑 二十三

年二十四年大有年 二十五年秋水災 詔賑

二十八年至三十二年皆稔

山川

天地靈秀之氣多鍾于山川碭無山而邑獨以

山名者蓋舊治在今芒碭山之陽保安山之陰

故諸山原碭有也因載一二庶幾毓秀於其間

者知所本云不書黃河者另為一志也

碭山 在縣東南永城縣界史記漢高祖隱於芒碭

山澤巖石之間吕后與人俱求常得之高祖怪問

之吕后曰季所居上常有雲氣故從往常得季漢

書地理志碭山出文石寰宇記碭山在永城縣北

五十五里北去芒山八里通志在碭縣東南七十里
與永城縣接界山有紫氣巖卽漢高避處其東有
戲山西有狼牙山又南爲保安山西爲平頂山皆
芒碭之支也唐咸通中官軍討叛卒龐勛於徐州
勛窮蹙至碭山西出襲宋州不能陷而還或作石
山誤按碭山今在永城縣境縣界無山唯城西里
許舊有土隆然屹起俗稱靴尖阜今亦堙考寰宇
記碭山載人永城縣下蓋自宋初已然然縣以山
名不可不存其梗槩也

虞山 方輿紀要云在東南五十里南去碭山十餘
里金時嘗遷縣治于山之南麓今亦在永城縣界
初月阜 在縣西里許中高四下形如初月俗名靴
尖阜乃當時築以捍城者

盤岔河 在縣東七里今淤

李河 在縣東北二十里唐李白訪碭山劉令至此
渡河因名

夾河 在縣西南五十里大河支分處也或曰卽大
河之別名元末劉福通自碭山夾河迎韓林兒爲

帝卽此今淤

禮河 在縣東十八里元季韓林兒倡義起兵父老送至河陰旣別林兒俟父老半涉乃於河澚北向稽首父老不能答故以名河今淤舊志謂卽夾河未詳

陳霜口河 在縣西二十里舊自虞城縣史家皮家二口分爲兩河出鋪里垆二十里至縣境西南合流入陳霜口河又南流十里至汪家口大河嘗決於此又東復分爲二一衝縣之小南門一北流繞

縣北門經年爲患明嘉靖二十四年知縣王紹元於汪家口築堤七十四丈有奇其西爲月堤屬於高原又沿堤上至鐘里垆下至高良相口爲順水堤五十里以禦水患

三里河 由虞城縣鎮里垆二十里至縣境呂家集北行二十里至三里河下又二十里至禮河五里入桑葉河

白川河 由虞城縣境入縣回岡集十五里至白川河下二十里至蔣家營五里入桑葉河

桑葉河 在縣東二十五里禮河北五里

濁河 在縣西北二十五里

段莊河 在縣西北四十里舊由虞城縣境流入經

縣回岡集迤南明嘉靖二十四年沙淤坡水漫流

二至雙溝集南一里匯流成河又三十里至桑葉河

四十里至蕭縣境盤岔河北流入胡澱溝

新岔河 由虞城縣境北入監城集南四十里至龐

家屯下二十里至羊耳河集迤南十五里至羊村

集迤北一里至五河三十里至蕭縣境

羊耳河 在縣東北二十餘里今淤

龍扒溝 在縣東南三十里初通汴水嘉靖二十六

年沙淤別決流至縣東南二十五里衝黃龍口又

二十里至西鎮澱以達蕭縣境入胡店溝與大彭

等溝為州西北之五河俱大河衝溢處也

九里溝 在舊縣西九里今淤

凌家口 在縣東三十里一百五里至居家口入蕭

縣境嘉靖十九年開挖二十四年沙淤

新滙澤 在南郭外以河徙成澤南北可三十里許

東西四十餘里經冬不竭淹占良田無算明隆慶
二年知縣戴偉鑿渠疏洩尋湮六年知縣王廷卿
更開新渠一千八百一十七丈以蘓昏墊今淤
睢水 在縣南五十里縣東南有徐溪口睢水由永
城縣流經此又東南入蕭縣界明嘉靖中自徐溪
至永城俱成平陸

小神湖 在縣東南二十里地窪下諸水滙聚成湖
康熙十七年河臣靳輔於毛城鋪建減水閘壩減
羊黃河漲水入此湖下達睢河及蕭縣永固姬村等

湖至宿遷歸仁堤入洪澤湖詳見河防

鴈池 卽李白秋夜與劉揚山泛舟燕喜亭池處一
名華池

古蹟

附碑目

公羊云所見異辭所聞異辭所傳聞異辭矧生
千百載下而欲證往古不綦難哉嘗見史籍所
載一事而書者互異甚矣稽考典博雖古人亦
未可盡信碭固僻壤無佳山水可以宿名人之
駕故游覽所不及且數遭河患卽有一二舊蹟
亦爲陽侯奪去都邑之滄桑久矣紀信而傳疑
是在有識之君子

狐父城

縣南三十里史記曹參擊秦將司馬尼於

碭東破之取碭狐父城是也亦作狐父聚

梁城 漢梁懷王都城卽秦碭郡廢城梁孝王增築之延袤廣大垣墉高峻屢經水患遺址猶存今縣治居其東北一隅耳

麻鄉故城 縣東北三十五里後漢書漢之麻鄉也光武時蓋延嘗駐兵於此魏書孝昌二年置安陽縣屬碭郡治麻城卽此隋廢入碭山縣今爲麻城集

安陽縣 在麻城元魏時設舊志謂以保安山得名

蓋在保安山之陽也

安陽故城

同上

碭縣 在今縣南秦置今屬河南永城界之保安鎮

按郡志云金輿定中避水遷治虞山保安鎮有石刻碭山縣三大字及儒學櫺星門按石刻字乃宋蔡景所書元至元中復還舊治明嘉靖四十一年圯於河遷治縣東南二十里小神集四十四年復還舊治萬歷二十六年復圯於河始遷今治

魯城 未詳所在後魏時以碭縣治魯城按魏書地

形志載碭郡領縣二一安陽一碭縣不云安陽卽碭縣也舊志註麻城云後魏改碭山爲安陽殊誤香城 在縣南水經注云碭陂中有香城

梁園 相傳在碭山縣平臺下梁王育養禽獸之所

李白詩作梁苑枚乘賦作兔園謝惠連賦高適詩作菟園

平臺 在舊縣東漢梁孝王大治宮室爲複道自宮連屬於平臺三十里按一統志開封府城東有平臺及梁國云梁孝王所築不知大梁乃魏瑩所都

在兩漢皆爲陳留郡梁孝王封域西盡睢陽止耳

距大梁東一百八十里蓋梁惠王嘗增築列仙吹

臺開拓苑囿爲遊觀之地一統志不察誤以大梁

爲梁國故以戰國時臺囿爲漢蹟也但梁孝王國

在睢陽卽懷王舊地其平臺梁園並在睢陽本傳

及水經注甚明與今邑相去尙遠漢志梁國首碭

縣者蓋初因秦碭郡舊治至後梁王封國則在睢

陽今縣西南遺址大抵金元以來遷徙遺蹟未必

梁王所築卽此也其間不無舛誤然江南通志及

舊志皆載難於竟刪姑著其說俟識者考定焉

燕喜臺 在舊城東里許有臺又有亭池臺雖廢池

尚存蓋取魯頌魯侯燕喜之意臺下有池名華池

唐李白與邑令劉碭山秋夜泛舟燕喜亭池飲酒

賦詩於此見李白詩集按宋政和三年真州知府

李釜爲書宴嬉臺三字授知縣許懋刻石於臺側

遂訛臺爲宴嬉江南通志云是李白書誤元延祐

三年縣尹杜郁嘗因臺址建譙樓後廢今石刻移

在縣治前非舊蹟也

古塔 在舊縣治西今城之東創建不知何始稜層

高數仞今圯

市力寨 在縣北三十五里舊爲河濱衝要縣主簿

駐於此

沛王里 舊志云在縣境按豐碭接壤漢高帝豐人

而碭有其里亦猶朱溫碭人而午溝集在豐也

朱溫宅 在縣北午溝里名衣錦鄉今堙

小明王宅 小明王宋帝韓林兒也宅在禮河之陰

元史劉福通自碭山夾河迎立之卽此今堙

傳穎公宅 在舊城儒學西北隅嘉靖中遺址猶存

今堙

附八景

每志中例必有八景皆牽合附會好事者為之
况場已非舊治諸景鮮存仍附其名於後者恐
好事者復起藉為口舌也

芒碭雲氣

星海洪濤

秋池邀月

春堤吟風

層臺鼓韻

傑閣鈴音

詞宗雅興

仙客高踪

碑目

重修

先師大成殿記

元王旭撰

重修廟學記

元張忠撰

先農祠記

元袁景撰

宴嬉臺碑記

宋李釜撰

成郡伯墓碑

元張起巖撰

旌表段興妻牛氏貞節墓碑

元孔庸敬撰

劉文質墓碑

明邑人李穩撰

重修碭山縣治記

明長沙李東陽撰

先師廟碑

明安福王學夔撰

名宦鄉賢祠記

明郡人馬律撰

城隍廟碑

明括蒼葉楚華撰

城隍廟改建碑

新建縣治碑記

在縣治前

熊侯去思碑記

在縣治前

陳公去思碑記

在東關堤外

蔡公去思碑記

在縣治東祠前

李公去思碑記

在蔡公祠前

姚公去思碑記

在蔡公祠前

宋公去思碑記

在縣治西祠內

傅穎公碑

在邑屬壇北相傳為穎公墓碑宏治中土

俗以為縮百御

風俗

上之所化為風下之所成為俗移風易俗機固

自上操哉若夫豪傑之士當必有善變之者

風俗高邁迥出等倫

圖經

士重廉耻民尚禮義

學記

俠任氣節好尚賓遊

隋書地理志

碭邑之學絃歌方盛

元大成殿記

地僻民聚躬稼食力好勇而尚義木強而易使庶幾

古椎朴之風焉至稽古禮文之事多所疏闕

嘉靖年州志

霸者之餘以武爲俗 宋陳師道學記

水土有質地之理也賦物之形居多觀乎水土

以殖物產而樹畜之教得矣

河流甘淡井泉斥鹵白墳十九赤埴十一 萬歷年陳志

物產

物產

碭山以產文石得名見後漢書郡國志註外此則布帛菽粟而已今山已歸入永城而石并非所有矣人咸以無所產惜之嗟乎天下安得布帛菽粟盡如碭者乎吾深爲碭之人幸也

穀屬

黍 稷 稻 麥 蕎麥 芝麻

粟 菽 粱 蕪子 菜豆 豌豆

蔬屬

藕 芹 韭 芥 蔥 蒜

莧 瓠 薺 芋 茄 茶

山藥 藤蒿 芫荽 萵苣 蘿蔔 葫蘆

菠菜 菘 馬齒 甘露 黃花 白花

金針 金瓜 西瓜 冬瓜 苦瓜 香瓜

菜瓜 王瓜 絲瓜 刀豆 眉豆 芸苔

蔓菁 蒲菜 天花 莢子 苜蓿 番藷

果屬

桃 李 杏 梨 棗 栗

梅 柿 柰 榴 沙果 櫻桃

蓮房 核桃 葡萄 蘋果 銀杏 文觀果

林檎 郁李 木瓜 羊棗 無花果

木屬

栢 桐 槐 楊 柳 桑

榆 椿 棠 竹 楮 椒

柘 棟 棘 皂莢 龍頭棗

觀音柳

花屬

葵 菊數十種 芍藥 牡丹 玉簪 虞美人

紫荆 金盞 珍珠 金銀 海棠 地棠

迎春 長春 丁香 木香 夜香 十里香

石竹 玉蘭 薔薇 繡毬 茶蘼 金鳳仙

碧桃 絳桃 緋桃 蜀葵 芙蓉 秋海棠

石榴 荷花 鶯粟 月季 牽牛 紫藤花

玫瑰 木槿 雞冠 鳶蘿 紫薇 夾竹桃

剪秋蘿 剪春蘿 千日紫 瑞香 紫蝴蝶

金絲桃 十樣錦 西番蓮 金雀 美人蕉

梅紅白臘 夜落金錢

草屬

蒲 蘆 葦 芡 蓬 蒿

茅 蓼 稗 莎 萱草 垂盆

猪牙 牛舌 紅藍 狼尾 馬蘭 馬黃

節節 星星 吉祥 仙人掌 苜蓿

菸草

藥屬

山藥 地丁 紫蘓 蒺藜 菖蒲 茴香

枸杞 蕪子 薄荷 瓜蒌 薏苡 牛蒡

槐角 蒲黃 藿香 兔絲子 青木香

蛇床子 益母草 金銀花 天花粉 車前子

香附子 桑白皮 甘菊花 牽牛子 夏枯草

宜男草 地骨皮 蒲公英 天仙子 旱蓮

芒硝 蟬脫 蠶沙 艾草 王不留行

鱗介屬

鯉 鯽 鯽 鮎 鰱 鰻

魴 鱧 蟹 鮑 白魚

禽屬

雞 鴉 鴨 鴿 烏 鳩

鵲 鸞 燕 鷓 鳧 雀

梟 鶯 蝙蝠 蠟嘴 野鴨 鸕鶿

鵲 啄木

獸屬

牛 馬 騾 驢 羊 豕

犬 兔 獾 貓 鼠

虫類屬

蠶 蜂 蝶 螢 蟬 蠅

蚊 蛾 蝎 蛇 蟻 蛙

蜉蝣 蝦蟆 蜻蜒 蚱蜢 蟋蟀 蟋蟀

蚰蜒 蜘蛛 蝮蝎 蝎虎 蠅虎 蚯蚓

蟻 蝻 蝸牛 蝨斯 土鼈 絡緯

貨屬

絲 蒜 靛 蜜 蠟 絹

棉花 紅花 木炭 布 綾帕 火硝

鹼 土鹽

